

plunksnas toriejuom tēksla paragintē žmuonis so-sēmāstītē, kas vīks Lietovuo, anuos perēferējuo, kāp ten gīven ēr kuokēs pruoblemas sprēnd sava tievēš-kiem ištēkēmē lēkē žemaitē.

Vuo bēngdamē viel sogrīžkem i Lēnkēmus, dabā jau tēn veikontē pagrindēnē muokīkla. Rogsiejē 4 dēina, ka če lonkiemies, bova šeštadēinis. Iš onksta pranešiem, ka vīks bovossēs vēnuos klasēs abiturientu so-sētēkēms, ka nuoriesem aplonkītē muokīkla, bet, so-sērīnkē pri anuos doru, toriejuom šēik tēik palauktē, kol anas atēdarē dabartēnē muokīklas šeimīnkā; pa-aiškīejē, ka par bolvesasi tēi, katrēi bova ipareiguotē atēdarītē duris, primērša sava pareigas...

Muokīkla raduom geruokā tortingēsne, matematikas kabinetē pamatiem nemažā kompiuteriu, bēbliotekuo – daug knīngu gražēs vēršelēs ēr švēisius, par muokīklas renuovacējē pakeistus naujus longus. Pamatiem ēr daug ketū pasēkeitēmu. Sogrīžē če pu 35 metu, sožēnuojim, ka jau Lēnkēmu kapūs omžēnam puoēlsiuo īr atgolēs ne vēns bovēs mūsa muokītuos, ka dā dau-giau anū – pēncējuo. Mūsa klasēs auklietuojē Šlevinskienē Bruonē karto so ēlgus metus Lēnkēmu vēdorēnē vaduovavusiu, naujouji muokīklas pastata statiosio sa-va vīro Šlevinskio Kazēmiero vēs dā stēprē, švēisē pruota. Atejē anēi ēr i sosētēkēma, vēsū sosērīnkusiū-ju, kāp ēr priš tus 35 metus, par simbuolēnē pamuoka ēšklausē. Nerašē anēi šī karta tik pažīmī.

Priš tus 35 metus Lēnkēmu vēdorēnē bēngiem dau-



Lėnkėmu pagrindėnė muokėklas bėblioteka

giau kap 20 muokėniū. Ni vēns iš anū šėndėin negīven užsienie, je katros ēr bova tēn išvažiavēs, tā tik trumpam, gėmėnaitiu nokaršintē ar pu plati pasauli nuorie-damē pasėžvalgītē. Vēsėms tuos saulės ēr vēitas Lie-tovuo užteka, vēsē sospiejē lig tū dėdliūju pasēkeitē-mu šaknis gimtėnie ileistē ēr anū patīs sau nekapuojē. Vēsā kėtē rėkalā so anū vākās, anūkās. Iš tuo, kou teka išgėrstē par sosētēkēma, paaiškīejē, ka dalēs tū, katrēi bova kėik gabesnē muokslou, išvika muokītėis, gīventē, kvalifikacėjės keltē i užsieni. Kėta dalēs jau-nūju i užsienius išvika, nes vedē ar ēštekiejē už užsie-nie gīvenontiu sava išrinktūju. Dalēs klasēs draugū vākū

(Nukelta i 8 p.)



I gimtėjē Lėnkėmu muokėkla sogrīžē pu 35 metu... 2010 m. rugsiejē 4 d.



Daukonta Sėmuona paminklos Lėnkėmu miestelė cėntrė 2010 m. rogsiejė 4 d. (skulptorius R. Midvikis)

(Atkelta iš 7 p.)

i užsieni patraukė, nes Lietovuo netoriejė galėmībės isėtvirtintė ar darba sosėrastė. Vėinė eš klasės draugū aple tou, ka anū vākā metūs vėina, ontra karta tik ap-lonkītė atvažioun iš JAV, Dėdliuosės Brėtanėjės, Nor-



Daukonta Sėmuona muotinas ontkapėnė paminkla epitafėjė (kaps ir Lėnkėmu bažničės švėntuoriou)

vegėjės, Olandėjės, kalbiejė so pasėdėdžiavėmo, kė-tė – šėrdie sliėpdamė baisiausi nerėma ėr skausma.

Vuo Lėnkėmūs tou dėina švėitė saulė... Miestelė centrė žaliava dar pėrmūju rodėns šalnū nenorausvintė klevā, netuolėj bažničės sosėmāstės, akmėnėnie skulp-tūruo ispausto žvilgsnio atvīkstontius ėr išvīkstontius liuob palīdietė dėdliėsis mūsa žemaitiu istoriks Dau-konts Sėmuons. Sava laiko, ka ėr varga, nepritelkliu spaudams S. Daukonts, parsimetės par pieti maišieli, rīžuos keliuonė i Vilnio, tėn veikonti universiteta, ka muoksla igītom ėr sava darbās gera Žemaitėjė ėr vėsā Lietovā padarītom.

A šėndėin žemaitė tor gīventė anuo pavīzdio, a eiškuotė kėtū keliū, nuoriedamė savi realizoutė ėr gim-toujė žemė pagerbtė?



Žemaitėjė onkstīva rudėni